



GUERZ EN HENOR DA ZANT CADÔ,

ESCOUP HA MERSER,

*Composest gant Efflam l'Hostis, a
baros Plestin, en bla 1776, ha le-
get da imprimâ gant un an evugale.*

Var ton GUERS SANT EFFLAM.

1.

P ELL a so em boa bet esper
Da lacat lot deus ma amser,
Da scriva eur Cantic breton,
Agreabl da bobl ar c'hanton.

2.

Christenien deus a Plouillo
Bezomp fidel da Sant Cadô
Goutennomp dre he brotecsion
Ma vo grâc Doue n'hon c'halon.

3.

Rac se emeus sonjet ersin
E vige util ma dessein
Trey a galleg e brezonec
Eun histoar caer a meus cavet.

— 2 —

4.

Clèvet o heus a boe pel so
Coms deus an autro Sant Cado ,
E viraclo nac e vuhe
Biscoas no heus clevet ane.

5.

Me a houlen gras an Drindet
Da discleria dar Vretonet ,
E vuhe santel er bet mān
Ma halfomp ol e imitān.

6.

Guillelmus voa e tad hanvet
A rans Constantin voa savet ,
Gudalusa ret deus e vam ,
Merc'h da eur Roue a Irland.

7.

Eun hermit a voa tost dar vro
Elec'h ma voa ganet Sant Cado ,
A deu de glasq da vadei ,
Ac e tud prest da consanti.

8.

Couscoude e voaint payanet ,
Mes Doue en deus permetet
Evit e gloar o inspiran
Da lacat badei ar Sant-man.

9.

Pa voa deut Sant Gado en oat,
E falveas neuse d'e dat
E lacat prest da commandi
E armeo, a do regli.

10.

Sant Gado ne euteure quet
Combati evit treo ar bet,
Guel voa gantan quittat e vro,
E dat, e vam, ac e vado.

11.

Ep gout de dut - sortias,
Ac en desert ec'h antreas,
Eno voa eun hermit santed
Da Doue serviger fidel.

12.

En pad daouzec vla e chomas
Gant an hermit en hermitach,
Occupet en de ac en nos
Da honit gloar ar barados.

13.

An hermit a gas ar Sant man
Eun de da guerhat dean tan
Da eul logen dar bastoret
A voa o vessan an denvet.

14.

Ar coquinet a lar déan
Penos uen dije qet a dan
Nemert e lacat a rage
Da gas gantan en e ascle.

15.

Ar Sant leun a humilite
A laca glaou en e ascle,
Da gas de vest mat an hermit
Ep drouc de corf na de habit.

16.

Neuse voe galvet eur sorcer,
Eur magiscien, eun trompler,
Ar mest pastor a fell dean
En e hermitach e lasan.

17.

Mes Doue en deus permettet,
Dal var ar plas ma voe rentet,
A perclus e ol isili
Ep gallout en em remui.

18.

Ar Sant leun a commpassion
Pa er cléo o houlen pardon,
A yes en oreson fervant
Ma voe gret yac'h en eun instant.

19

Ar Prins Polentus o clevet
Ar miracl bras man en deus gret,
A roas eur canton dar Sant
An douar Sobrin en presant.

20.

Eno e heure batissan
Eur gouent neve ar gaeran
Elec'h ma heure eur miracl
A so meurbet considerabl.

21.

Unan deus an artisanet
Gant ar re al a voe laset,
Goude en en toljont er stanc.
Pebeus malheur dan dut mechant!

22.

Sant Gado en ressassitas,
E meas ar stanc en en tennas.
Dre e beden e teu Doue
Da rei dar man ar vuhe.

23.

Pen devoa e gouent peuplet,
En pelerinach en bet het

Da Scos da Ilis Sant Andre

A so migon obras da Doue.

24.

Goude men devoa gret eno
Eun nombr bras deus a viraclo,
Ebars en Frans en em rentas,
A Sant Goar a saludas.

25.

Neuse ar Sant a antrepren
Mont ive da Jerusalem,
Dar plas en pini e voa bet
Crucifiet Salver ar bet.

26.

En Itali en em rentas.
Da treit ar Pap Yan e pocas,
Seis vla e voe en e veach,
Mes de gouent e retornas.

27.

Pa voa Sant Gado en oreson,
E sant desir en e galon
Da vont ive en Breis-Isel
Evit presec an aviel.

28.

En Breis-Isel eo disquennet
Gant cals a Religiuset,
En eun enes eo arruet,
Ebars en Escopti Guenet.

29.

An enes se a voa carguet
A serpentet, a leonet,
Mes a guichen ma antreas,
Nicun anese ne chomas.

30.

Eno e heure batissan
Eur gouent neve ar gaeran,
En pini e canet nos de
Meulodi dan Autrou Doue.

31.

Tremen a heure adare
En Itali dre urs Doue,
Anaveet voa dre ar vro
Dre ar brud deus e viraclo.

32.

Dre se Sant Gado er vro se
A voe gret Escop ep dale,

Lequet voe da Escop ar Sant
Ebars er Guer a Benevant.

33.

Gouvern a re e Escopi
Gant madeles a gant sourci,
Bea voa squer, a sclerigen
Dar bop, a dan ol veleyen.

34.

A boe pel bras an Den Santel
En devoa desir da verval,
A da gaout eur maro evrus
O scuil e voat evit Jesus.

35.

Doue a sellaou e bedèn,
A accord dean e houlen;
Eun Æl, en assur, deus an ne,
Penos e varvo ep dale,

36.

En amser se ar barbaret
A re eun distruch bras meurbet,
O ravagi partout ar vro
A var ar meas, ac er querrio.

37.

Eur vanden deus an dut mechant
A deu dar Guer a Benevant,
En esper contanti o hoant
Dre cals a aour a dre arc'hant.

38.

Ar Sant erve e ordinal
A ya de Ilis Cathederal
Ac en em dispos da laret
E ofis ac e ofern bret.

39.

Pa voa an ofic commanset,
Ar barbaret so antreet,
Unan ane digonscians
A las ar Sant gant eun tol lans.

40.

Chetu penos e voe laset
Sant Cado gant ar barbaret;
Recevet en deus en envo
Ar recompans deus e euvro.

41.

Rac ar Sant voa tad ar bevien
Pere voa e heritourien,

Tud clan carguet a c'houliou
Voa mignonet da Sant Gado.

42.

Dre drue a compassion
En em leque en oreson,
Obten a re digant Doue,
Yechet dan dut affliget se.

43.

Rac se pa man breman er glo
En deus hoas muin deus a pouar
Diredet ol tud affliget
Ac e recefet ar yechet.

44.

Mes hui pere nen doc'h quet clan
Bet recours ive dar Sant man,
Goulennet dre e verito
Ar pardon deus o pehesio.

45.

Ebars en paros Plouillo
Emedi Chapel Sant Gado ,
Retablisset eo a neve
Gant aluzen an dud a fe.

46.

Ar sul divea a Ebrel
E man ar Pardon er Chapel
Pehini so darempredet
Gant cals deus a belerinet.

47.

An nombr bras a viquillenno
A so en Chapel Sant Cado
E discoe ec'h obten ar Sant
Da cals a dut soulageamant.

48.

Eun dra vat ac util ouspen
En evidomp ol, Christenien ,
Bea devot da Sant Cado ,
A dar Sent al so en envo.

49.

Mes ne quet avoalc'h quement se
Evit sauvetat on ine ,
Ret eo beva parfetamant
Erve veuio or badeyant.

50.

Dar veuio se mar domp manquet ,
Ober pinigen a so ret ,
Ac ober eur binigen vat
A vo da Doue agreab.

51.

Greomp eta ar mad bepret,
Evel Sant Gado binniguet,
Evit meuli gantan Jesus
En eternite evurus.



E Montroulez, cus a Imprimeri LÉDAN.